

Վ Ե Ր Լ ՈՒ Ծ Ա Կ Ա Ն Տ Ե Ղ Ե Կ Ա Ն Ք

Հայաստանի Հանրապետության բնակավայրերում հանրային շարժական կապի ծածկույթի ապահովման աշխատանքների վերաբերյալ

ՀՀ հանրային ծառայությունները կարգավորող հանձնաժողովի հեռահաղորդակցության վարչությունը վերլուծել է հանձնաժողովի 2020 թվականի հունվարի 9-ի N1Ն որոշման համաձայն՝ «Տելեկոմ Արմենիա», «ՄՏՍ Հայաստան» և «Յուրոմ» ՓԲԸ-ների կողմից իրենց ինտերնետային կայքերում մինչև 2021 թվականի մարտի 1-ը հրապարակված՝ 2021 թվականի առնվազն հունվարի 1-ի դրությամբ շարժական կապի ծածկույթների վերաբերյալ առկա տեղեկատվությունը:

Վերլուծության ընթացքում հաշվի է առնվել «Հայաստանի Հանրապետության վարչատարածքային բաժանման մասին» օրենքը, որի համաձայն՝ ՀՀ տարածքում առկա է 1002 բնակավայր (ներառված չէ ՀՀ Գեղարքունիքի մարզի Արծվաշեն բնակավայրը), որոնցից 32-ում բնակչություն առկա չէ, սակայն դրանք բոլորն ապահովված են հանրային շարժական կապի ծածկույթով:

Հանրապետության բոլոր բնակավայրերն ապահովված են հանրային շարժական կապի 4G+(LTE Advanced) տեխնոլոգիայի ծածկույթով, իսկ այն բնակավայրերը, որտեղ առկա է բնակչություն, ապահովված են առնվազն մեկ օպերատորի հանրային շարժական կապի 2G, 3G տեխնոլոգիաների ծածկույթով: ՀՀ բնակավայրերում հանրային շարժական կապի ցանցի ծածկույթի վերաբերյալ աղյուսակը կցվում է:

Մասնավորապես, ստորև բերված է մանրամասն վերլուծություն ՀՀ բնակավայրերում (ներառյալ՝ բնակչություն չունեցող) 2021 թվականի հունվարի 1-ի դրությամբ հանրային շարժական կապի ծածկույթների ապահովվածության վերաբերյալ:

«Տելեկոմ Արմենիա» ՓԲԸ-ի հանրային շարժական կապի ծածկույթ

2021 թվականի հունվարի 1-ի դրությամբ «Տելեկոմ Արմենիա» ՓԲԸ-ի հանրային շարժական կապի ծածկույթով ապահովված է եղել ՀՀ բնակավայրերի 88.9%-ը՝ 891 բնակավայր: Ընդ որում, նշված 891 բնակավայրերն ամբողջությամբ ապահովված են եղել տվյալ օպերատորի հանրային շարժական կապի 2G տեխնոլոգիայի ծածկույթով,

իսկ 612 բնակավայր, կամ ՀՀ բնակավայրերի 61.1%-ը՝ 3G տեխնոլոգիայի ծածկույթով, որը նախորդ տարվա համեմատ ավելացել է 10 բնակավայրով: Մինչույն ժամանակ, 2021 թվականի հունվարի 1-ի դրությամբ տվյալ օպերատորի հանրային շարժական կապի 4G+(LTE Advanced) տեխնոլոգիայի ծածկույթով ապահովված քաղաքների և գյուղերի ընդհանուր թվաքանակը կազմել է 64, որի աճը 2020 թվականի հունվարի 1-ի ցուցանիշի (43 բնակավայր) նկատմամբ կազմել է 49%՝ ՀՀ բնակավայրերի ընդհանուր ընդգրկվածության առումով ավելանալով 2,1%-ով (21 բնակավայր): 2021 թվականի հունվարի 1-ի դրությամբ «Տելեկոմ Արմենիա» ՓԲԸ-ի հանրային շարժական կապի ծածկույթով ապահովված չի եղել ՀՀ բնակավայրերի 11.1%-ը (111 բնակավայր):

«USU Հայաստան» ՓԲԸ-ի հանրային շարժական կապի ծածկույթ

2021 թվականի հունվարի 1-ի դրությամբ «USU Հայաստան» ՓԲԸ-ի հանրային շարժական կապի ծածկույթով ապահովված է եղել ՀՀ բնակավայրերի 100%-ը՝ 1002 բնակավայր, որը նախորդ տարվա համեմատ ավելացել է 6 բնակավայրով: Ընդ որում, 999 բնակավայրեր (նախորդ տարվա համեմատ ավելացել է 3 բնակավայրով) կամ ՀՀ բնակավայրերի 99.7%-ը ապահովված են տվյալ օպերատորի հանրային շարժական կապի 2G տեխնոլոգիայի ծածկույթով, իսկ 988 բնակավայր (նախորդ տարվա համեմատ ավելացել է 4 բնակավայրով) կամ ՀՀ բնակավայրերի 98.6%-ը՝ 3G տեխնոլոգիայի ծածկույթով: Հարկ է նշել, որ հանձնաժողովի իրականացրած՝ 800ՄՀց ռադիոհաճախականությունների տիրույթի մրցույթով «USU Հայաստան» ՓԲԸ-ին տրամադրված թույլտվությամբ սահմանված պարտավորությունների կատարման արդյունքում 2021 թվականի հունվարի 1-ի դրությամբ ընկերության հանրային շարժական կապի 4G+(LTE Advanced) տեխնոլոգիայի ծածկույթով ապահովել է 1002 բնակավայր (այդ թվում՝ նշված տեխնոլոգիայի ծածկույթով չապահովված 121 բնակավայրերը), կամ ՀՀ բնակավայրերի 100%-ը, որի աճը 2020 թվականի հունվարի 1-ի ցուցանիշի (487 բնակավայր) նկատմամբ կազմել է 106%՝ ՀՀ բնակավայրերի ընդհանուր ընդգրկվածության առումով ավելանալով 51,5%-ով (515 բնակավայր): Այսպիսով, 2021 թվականի հունվարի 1-ի դրությամբ «USU Հայաստան» ՓԲԸ-ի հանրային շարժական կապի ծածկույթով ապահովված են ՀՀ բոլոր բնակավայրերը:

«Յուրոմ» ՓԲԸ-ի հանրային շարժական կապի ծածկույթ:

2021 թվականի հունվարի 1-ի դրությամբ «Յուրոմ» ՓԲԸ-ի հանրային շարժական կապի ծածկույթով ապահովված է եղել ՀՀ բնակավայրերի 92.3%-ը՝ 925 բնակավայր: Ընդ որում 850 բնակավայր, կամ ՀՀ բնակավայրերի 84.8%-ը ապահովված են տվյալ օպերատորի հանրային շարժական կապի 2G տեխնոլոգիայի ծածկույթով, 891 բնակավայր, կամ ՀՀ բնակավայրերի 88.9%-ը՝ 3G տեխնոլոգիայի ծածկույթով: Միևնույն ժամանակ, ընկերության 4G+/LTE Advanced տեխնոլոգիայի ծածկույթով ապահովված է եղել ՀՀ բնակավայրերի 88.2%-ը՝ 884 բնակավայր: 2020 թվականի հունվարի 1-ի դրությամբ «Յուրոմ» ՓԲԸ-ի հանրային շարժական կապի ծածկույթով ապահովված չի եղել ՀՀ բնակավայրերի 7.7%-ը (77 բնակավայր):

Ամփոփելով վերոնշյալը՝ պետք է արձանագրել, որ ՀՀ բնակավայրերում (ներառյալ՝ բնակչություն չունեցող) 2021 թվականի հունվարի 1-ի դրությամբ հանրային շարժական կապի ծածկույթների ապահովվածությունն, ըստ տեխնոլոգիաների և օպերատորների քանակի հետևյալն է.

- ՀՀ բնակավայրերի 4.7%-ը ապահովված է մեկ օպերատորի, 16.9%-ը՝ երկու օպերատորի և 78.3%-ը՝ երեք օպերատորի հանրային շարժական կապի 2G տեխնոլոգիայի ծածկույթով,
- ՀՀ բնակավայրերի 8.6%-ը ապահովված է մեկ օպերատորի, 32.7%-ը՝ երկու օպերատորի և 58.2%-ը՝ երեք օպերատորի հանրային շարժական կապի 3G տեխնոլոգիայի ծածկույթով,
- ՀՀ բնակավայրերի 11.8%-ը ապահովված է մեկ օպերատորի, 81.8%-ը՝ երկու օպերատորի և 6.4%-ը՝ երեք օպերատորի հանրային շարժական կապի 4G+/LTE Advanced տեխնոլոգիայի ծածկույթով: Ընդ որում, նշված 6.4% ցուցանիշը ենթադրում է 64 բնակավայր, որը բնակչության ընդգրկվածության առումով կազմում է 62%:

Միևնույն ժամանակ, պետք է նշել, որ հանրային շարժական կապի ընդհանուր ծածկույթը նախորդ տարվա (2020 թվականի հունվարի 1-ի) համեմատ հանրապետության ամբողջ տարածքում արձանագրել է աճի դինամիկա 2G, 3G և 4G+/LTE Advanced տեխնոլոգիաներով, մասնավորապես.

- 1 բնակավայրով ընդլայնվել է ՀՀ բնակավայրերում երեք օպերատորի փոխադարձ ներթափանցելի հանրային շարժական կապի 2G տեխնոլոգիայի ծածկույթը,
- 5 բնակավայրով ընդլայնվել է ՀՀ բնակավայրերում երեք օպերատորի փոխադարձ ներթափանցելի հանրային շարժական կապի 3G տեխնոլոգիայի ծածկույթը,
- 105 բնակավայրով ընդլայնվել է ՀՀ բնակավայրերում հանրային շարժական կապի 4G+/LTE Advanced տեխնոլոգիայի ծածկույթը և կազմել է 100% (1002 բնակավայր), որի աճը 2020 թվականի հունվարի 1-ի ցուցանիշի (898 բնակավայր) նկատմամբ կազմել է 11,6%: Ընդ որում, 346 բնակավայրով ընդլայնվել է ՀՀ բնակավայրերում երկու օպերատորի փոխադարձ ներթափանցելի հանրային շարժական կապի 4G+/LTE Advanced տեխնոլոգիայի ծածկույթը և կազմել է 81.8% (820 բնակավայր), որի աճը 2020 թվականի հունվարի 1-ի ցուցանիշի (474 բնակավայր) նկատմամբ կազմել է 73%՝ ՀՀ բնակավայրերի ընդհանուր ընդգրկվածության առումով ավելանալով 34,5%-ով: Միևնույն ժամանակ, 21 բնակավայրով ընդլայնվել է ՀՀ բնակավայրերում երեք օպերատորի փոխադարձ ներթափանցելի հանրային շարժական կապի 4G+/LTE Advanced տեխնոլոգիայի ծածկույթը և կազմել է 6.4% (64 բնակավայր), որի աճը 2020 թվականի հունվարի 1-ի ցուցանիշի նկատմամբ կազմել է 49%:

ԱՂՅՈՒՄԱԿ

**2021 թվականի հունվարի 1-ի դրությամբ Հայաստանի Հանրապետության բնակավայրերում
հանրային շարժական կապի ծածկույթի վերաբերյալ**

Մարզեր	Մեկ օպերատորի ծածկույթով ապահովված բնակավայրերի քանակը			Երկու օպերատորի ծածկույթով ապահովված բնակավայրերի քանակը			Երեք օպերատորի ծածկույթով ապահովված բնակավայրերի քանակը			Ծածկույթ չունեցող բնակավայրերի քանակը		
	2G	3G	4G+	2G	3G	4G+	2G	3G	4G+	2G	3G	4G+
Արագածոտնի մարզ	5	16	16	11	57	103	104	47	1	0	0	0
Արարատի մարզ	1	0	1	4	7	87	94	91	11	0	1	0
Արմավիրի մարզ	1	1	0	5	15	87	92	82	11	0	0	0
Գեղարքունիքի մարզ	2	9	15	30	27	75	64	60	7	1	1	0
Լոռու մարզ	10	15	19	25	54	107	95	61	4	0	0	0
Կոտայքի մարզ	1	3	7	9	24	52	59	42	10	0	0	0
Շիրակի մարզ	3	10	10	12	52	117	115	68	3	0	0	0
Սյունիքի մարզ	13	22	31	40	56	101	85	59	6	0	1	0
Վայոց Ձորի մարզ	10	9	15	21	16	38	24	28	2	0	2	0
Տավուշի մարզ	1	1	4	12	20	53	52	44	8	0	0	0
ք. Երևան	0	0	0	0	0	0	1	1	1	0	0	0
Ընդամենը	47 (4.7%)	86 (8.6%)	118 (11.8%)	169 (16.9%)	328 (32.7%)	820 (81.8%)	785 (78.3%)	583 (58.2%)	64 (6.4%)	1 (0.1%)	5 (0.5%)	0 (0%)

* Արժվաշեն բնակավայրը ներառված չէ

* Հաշվարկված է 1002 բնակավայրով